

2207

Bosna i Hercegovina
Federacija Bosne i Hercegovine
KANTON SARAJEVO
Ured za borbu protiv korupcije i
upravljanje kvalitetom



Босна и Херцеговина
Федерација Босне и Херцеговине
КАНТОН САРАЈЕВО
Уред за борбу против корупције и
управљање квалитетом

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-05-666-7.1/19
Sarajevo, 04.02.2019. godine

SLUŽBA ZA SKUPŠTINSKE POSLOVE KANTONA SARAJEVO
n/r Sekretara

PREDMET: Informacija u vezi sa zastupničkom inicijativom zastupnice u Skupštini Kantona Sarajevo, **Segmedine Srna Bajramović**

U vezi sa zastupničkom inicijativom koju je na 3. Radnoj sjednici Skupštini Kantona Sarajevo uputila zastupnica Segmedina Srna Bajramović, koja se odnosi na sljedeće javne nabavke:

- KJKP Sarajevogas d.o.o. Sarajevo, koji pokreće postupak zbog organizacije tombole u iznosu od 1783 KM,
- KJKP Tržnice - pijace d.o.o. Sarajevo, rafting u iznosu od 5791,50 KM.
- Navodi o nabavkama – kilogram janjetine od 50 KM, litar limunade od 20 KM ili litar narandže od 30KM,

Ovo zastupničko pitanje dostavljeno je Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured) putem Stručne službe Vlade Kantona Sarajevo, broj: 16-05-666-7.1/19 od 31.01.2019. godine, te Vas informišemo u nastavku kako slijedi.

Vlada Kantona Sarajevo, na prijedlog Ureda i Tima Vlade Kantona Sarajevo za borbu protiv korupcije, donijela je Odluku o bazi podataka o javnim nabavkama za korisnike Budžeta u Kantonu Sarajevo ("Službene novine Kantona Sarajevo" broj 49/16) kojom je propisala način vođenja Baze podataka o javnim nabavkama (u daljem tekstu: Baza) u organima uprave i službama, javnim institucijama na nivou Kantona Sarajevo, koje se finansiraju iz Budžeta Kantona Sarajevo, institucijama nad čijim radom ministarstva vrše nadzor, javnim preduzećima, javnim ustanovama, fondovima i zavodima čiji je osnivač Kanton Sarajevo, koji su dužni primjenjivati odredbe Zakona o javnim nabavkama BiH, utvrđeni su podaci koji se unose u Bazu, određen je način unosa podataka, u kojem roku se unose podaci kao i druga pitanja koja se odnose na Bazu.



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-223

Sarajevo, Reisa Džemaludina Čauševića 1



Ranije citirana Odluka, član 4. uređuje sadržaj Baze, te se taksativno navode podaci o javnim nabavkama koji se unose (evidentiraju) u Bazu, a to su:

a) Plan nabavki

- Objavljen/dopunjen/nije donesen dana
/prilozi PDF: plan i izmjene/

b) Pokretanje i tok postupka javnih nabavki

- Naziv predmeta JN sa JRJN
- Vrsta postupka
- Datum objave obavještenja o nabavci
- Procijenjena vrijednost ugovora
- Vrijednost prihvaćene ponude i naziv ponuđača
- Postupak poništen (razlog poništenja)

c) Ugovaranje i realizacija javnih nabavki

- Broj i datum potpisanog ugovora (prilog: skenirani ugovor)
- Vrijednost potpisanog ugovora i rok realizacije
- Da li je bio anex-a ugovora (skeniran), ako je bio koliko
- Ukupna vrijednost realizovanog ugovora.

Tim Vlade Kantona Sarajevo za borbu protiv korupcije i Ured (tadašnji naziv Ureda: Ured za kvalitet), u skladu sa članom 7, stav (2) Odluke, vrše nadzor nad primjenom ove Odluke.

Shodno ranije navedenom, dana 04.02.2019. godine, Ured je izvršio uvid u Bazu, koja se nalazi na internet stranici Vlade Kantona Sarajevo, <http://javnenabavke.ks.gov.ba>, te je konstatovano sljedeće:

KJKP Sarajevogas d.o.o. Sarajevo je nabavku predmeta za tombolu koja se organizuje povodom Dana Preduzeća evidentiralo u Bazu. U skladu sa Odlukom navedeni su sljedeći podaci: naziv nabavke, Odluka o pokretanju postupka javne nabavke od 04.05.2018. godine, Izvještaj o provedenom postupku javne nabavke sa portala Agencije za javne nabavke i Ugovor o nabavci predmeta za tombolu koja se organizuje povodom Dana Preduzeća, od 07.05.2018. godine, faza i vrsta postupka, datum potpisivanja ugovora (10.05.2018.), iznos potpisanog ugovora u KM sa PDV (2086,11 KM), ukupan iznos realizovanog ugovora u KM sa PDV (2086,11 KM), i naziv ugovorne firme. U skeniranom i priloženom Ugovoru o nabavci predmeta za tombolu koja se organizuje povodom Dana Preduzeća, od 07.05.2018. godine, ugovorna vrijednost roba namjenjenih za tombolu koja se organizuje povodom Dana Preduzeća iznosi 1.783,00 bez PDV-a, a kada se doda isti onda je iznos 2086,11 KM, kako je prikazano u Bazi.

KJKP Tržnice – pijace d.o.o. Sarajevo je nabavku usluge raftinga evidentiralo u Bazu. U skladu sa Odlukom, navedeni su sljedeći podaci: naziv nabavke, Odluka o izboru najpovoljnijeg



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-223
Sarajevo, Reisa Džemaludina Čauševića 1



ponuđača, Ugovor o nabavci usluge raftinga od 08.05.2018. godine, faza i vrsta postupka, datum objave obavještenja, iznos prihvaćene ponude u KM sa PDV (5791,50 KM), datum potpisivanja ugovora, iznos potpisanog ugovora u KM sa PDV (5791,50 KM), ukupan iznos realizovanog ugovora u KM sa PDV (5791,50 KM), i naziv ugovorne firme.

Navodi o nabavkama kilograma janjetine po cijeni od 50 KM, litru limunade od 20 KM ili litru narandže od 30KM, nisu mogli biti provjereni u Bazi, s obzirom da nisu dovoljno precizni, te imajući u vidu veliku količinu podataka u Bazi.

Navedena Odluka, član 5., stav (1), propisuje obavezu za organe uprave i službe, za javne institucije na nivou Kantona Sarajevo, koje se finansiraju iz Budžeta Kantona Sarajevo, institucije nad čijim radom ministarstva vrše nadzor, javna preduzeća, javne ustanove, fondove i zavode čiji je osnivač Kanton Sarajevo, koji provode postupke javnih nabavki, da u roku od 30 dana od realizacije ugovora unesu podatke, taksativno nabrojane u Odluci u Bazu.

U istom članu, stav (3), Odluke navodi se da nepostupanje u skladu sa odredbama iz stava (1), člana 5., predstavlja povredu službene dužnosti, odnosno povredu radne obaveze.

Napominjemo da u nadležnosti Ureda nije razmatranje opravdanosti provedenih postupaka javnih nabavki u preduzećima.



Dostaviti:

- Naslovu
- Stručna služba Vlade Kantona Sarajevo
- a/a



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-223
Sarajevo, Reisa Džemaludina Čauševića 1

